

Pères qui iront en ces pais là, ont de la peine, Dieu les sçaura fort bien recompenser. Voyant donc que ie perdois beaucoup de temps en ces allées & venues aux cabanes, ie cherchay vn autre moyé de tirer quelque chose de la langue, dont ie parleray tantost.

Le 13 du mesme mois d'Octobre le Sauvage nômé Manitougache, surnommé des François La Nasse, nous vint voir avec quantité d'autres, qui nous firent depositaires & gardiens de leurs sacs & richesses. Je demanday à l'vn d'eux son nom, il baissa la teste sans rien dire: vn François le demanda à vn autre, luy disant *Khiga ichenicasson*? comment t'appelles tu? Il respondit, *namanikisteriten*, ie n'en scay rien. J'ay depuis appris qu'ils ne veulent point dire leur nom deuant les autres, ie ne scay pourquoy. Si neátmoins vous demandez à quel-